

Na osnovu člana 15. Zakona o principima lokalne samouprave u Federaciji Bosne i Hercegovine («Službene novine Federacije BiH», broj:49/06 i 51/09), člana 81. Statuta Općine Novi Grad Sarajevo – prečišćeni tekst («Službene novine Kantona Sarajevo», br.30/09.- novi prečišćeni tekst) i člana 9. Odluke o organizaciji jedinstvenog općinskog organa uprave Općine Novi Grad Sarajevo, ("Službene novine Kantona Sarajevo" br. 18/15. i 27/15) i kriterijima Programa certifikacije gradova i općina sa povoljnim poslovnim okruženjem u Jugoistočnoj Evropi (BFC SEE), Općinski načelnik d o n o s i

ODLUKU o formiranju Privrednog / Poslovnog savjeta Općine Novi Grad Sarajevo

Član 1. (Predmet Odluke)

Ovom Odlukom formira se Privredni/Poslovni savjet Općine Novi Grad Sarajevo, utvrđuje se broj i sastav istog, daje se okvir djelovanja i druge odredbe bitne za neometano funkcionisanje Privrednog/Poslovnog savjeta.

Član 2. (Broj i sastav)

Privredni/Poslovni savjet broji (devet) 9 članova i bira se transparentnom procedurom iz reda lokalne administracije Općine Novi Grad Sarajevo i poslovne zajednice, a isti imenuje Općinski načelnik.

Shodno kriterijima BFC Programa, Općinski načelnik obavlja ulogu Predsjednika Privrednog/Poslovnog savjeta, zatim odabrani član iz poslovne zajednice obavlja funkciju Zamjenika predsjednika, a ulogu tehničkog sekretara Privrednog/Poslovnog savjeta vrši predstavnik Službe Kabineta Općinskog načelnika ili Službe za privredu i lokalni ekonomski razvoj. Ostale članove Savjeta čine predstavnici lokalne administracije i poslovne zajednice.

Član 3. (Okvir djelovanja)

Privredni/Poslovni savjet obavlja sljedeću ulogu:

- Prati sva pitanja koja su od interesa za privredu i lokalni ekonomski razvoj i predlaže lokalnoj samoupravi aktivnosti i unaprijedenje procedura;
- Prati i procjenjuje izvršenje projekata i Strategije za lokalni ekonomski razvoj;
- Učestvuje u reviziji Strategije razvoja i planova implementacije;
- Pruža savjetodavnu podršku Načelniku Općine prilikom odlučivanja u vezi ekonomskog razvoja i razvojnih programa;
- Pruža podršku Službi za privredu i lokalni ekonomski razvoj;
- Donosi Poslovnik o radu Privrednog/Poslovnog savjeta.

Član 5. (Održavanje sjednica)

Sjednice Privrednog/Poslovnog savjeta održavaju se minimalno jednom u tri mjeseca u prostorijama Općine Novi Grad Sarajevo. Izuzetno, Privredni/Poslovni savjet može odlučiti da se neka od sjednica održi izvan prostorija Općine Novi Grad Sarajevo.

Član 6.
(Trajanje mandata)

Mandat članova Privrednog/Poslovnog savjeta traje dvije godine, nakon čega mogu biti ponovo izabrani.

Član 7.
(Troškovi za funkcionisanje Privrednog/Poslovnog savjeta)

U smislu ove Odluke, članovi Privrednog/Poslovnog savjeta nemaju naknadu za rad. Ukoliko se ukaže potreba za finansiranje promotivnih aktivnosti Privrednog/Poslovnog savjeta sa ciljem uspostavljanja dobrog poslovnog okruženja, sredstva se obezbjeđuju iz namjenskih sredstava Budžeta Općine Novi Grad Sarajevo.

Član 8.

Ova Odluka sačinjena je u dva (2) istovijetna primjerka i stupa na snagu danom objavljivanja u Službenim novinama Kantona Sarajevo.

Broj: 023-28-4231 /16
Sarajevo, 11.02 . 2016. godine



Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Služba za privredu i lokalni ekonomski razvoj

Broj: 02/03 - 28-5328 /16
Sarajevo, 23. 02. 2016. godine

Na osnovu člana 15. Zakona o principima lokalne samouprave u FBiH („Službene novine FBiH“ broj: 49/06. i 51/09), člana 81. Statuta Općine Novi Grad Sarajevo ("Službene novine Kantona Sarajevo" br.30/09.- novi prečišćeni tekst) i Odluke o formiranju Privrednog/Poslovnog savjeta Općine Novi Grad Sarajevo br. 02/03-28-4231/16 od 11.02.2016. godine, Općinski načelnik, putem Službe za privredu i lokalni ekonomski razvoj, donosi

RJEŠENJE

I. Imenuje se Privredni/Poslovni savjet Općine Novi Grad Sarajevo u sastavu:

1. Semir Efendić, Općinski načelnik - Predsjednik Privrednog savjeta
2. Erdal Trhulj, T3 Consulting Tim doo - Zamjenik Predsjednika
3. Džemaludin Kahrović, Pomoćnik načelnika Službe za privredu i lokalni ekonomski razvoj - Član
4. Mirela Bubalo, Služba kabineta Općinskog načelnika - Tehnički sekretar
5. Safudin Čengić, Centrotans-Eurolines dd (Predsjednik udruženja poslodavaca FBiH) - Član
6. Hamed Ramić, Euro-Asfalt doo - Član
7. Huso Česir, Bosnaplast doo - Član
8. Rusmir Hrvić, AS Group (Sprind-Klas) - Član
9. Amer Bukvić, Bosna Bank International dd (FIC-Vijeće stranih investitora) - Član

II. Okvir djelovanja, odnosno funkcionisanja Privrednog/Poslovnog savjeta utvrđen je Odlukom o formiranju Privrednog/Poslovnog savjeta koju je donio Općinski načelnik i Poslovníkom o radu Privrednog/Poslovnog savjeta koji treba biti usvojen na sjednici Privrednog/Poslovnog savjeta.

Obrazloženje

Općina Novi Grad Sarajevo je pristupila implementaciji Programa certifikacije gradova i općina sa povoljnim poslovnim okruženjem u Jugoistočnoj Evropi (BFC SEE) uz podršku Njemačke organizacije za međunarodnu saradnju (GIZ) – Otvorenog regionalnog fonda za modernizaciju općinskih usluga u jugoistočnoj Evropi. Program certifikacije se provodi prema utvrđenoj metodologiji i kriterijima koji će ocjeniti kvalitet ove lokalne zajednice u smislu investicionih potencijala, infrastrukturnih resursa, usluga i informacija koje se nude potencijalnim investitorima i postojećoj privredi i sl. u trajanju od oko 12 mjeseci do sticanja sertifikata.

Obzirom da je postojanje stalnog Privrednog/Poslovnog savjeta kao savjetodavnog tijela Načelnika, jedan od ukupno 12 utvrđenih kriterija Programa certifikacije, odlučeno je kao u dispozitivu ovog Rješenja.

Protiv ovog Rješenja može se izjaviti prigovor Općinskom načelniku u roku od 8 dana od dana prijema istog.

DOSTAVITI:

1. Imenovanim (9 x)
2. Služba za privredu i lokalni ekonomski razvoj, Odsjek LER
3. U spis

